

# BOSNA I HERCEGOVINA

Federacija Bosne i Hercegovine

Zeničko-dobojski kanton

Grad Zenica

Javna ustanova Bosansko narodno pozorište Zenica

Trg BiH 3, 72000 Zenica

U skladu sa odredbama Zakona o radu Federacije BiH („Službene novine Federacije BiH“, broj: 26/16 i 89/18), članovima 36. stav (1), 57., 59., 61. stav (1) i 65. Zakona o pozorišnoj djelatnosti ZDK ("Službene novine Zeničko-dobojskog kantona“, broj: 04/16), članovima 31., 32. i 33. Pravila JU BNP Zenica, te članovima 4., 5. stav (1), 7., 9. i 10. Pravilnika o radu JU BNP Zenica, a na osnovu Uredbe o postupku prijema u radni odnos u javnom sektoru u ZDK („Službene novine Zeničko-dobojskog kantona“, broj: 08/19 i 19/20), Odluke o saglasnosti broj: 02-30-354-2/20 i 02-30-12348-2/20 i Saglasnosti Grada Zenica broj: 02-45-12785/20 i 02-45-25279/20, te shodno Odluci o raspisivanju javnog oglasa za prijem radnika u radni odnos (broj: 102/21), direktor Javne ustanove Bosansko narodno pozorište Zenica raspisuje

## JAVNI OGLAS za prijem radnika u radni odnos

### I

Javna ustanova Bosansko narodno pozorište Zenica (*JU BNP Zenica*) objavljuje javni oglas za prijem na 4 radna mjesta:

1. **Dramski umjetnik - glumac**..... jedan (1) izvršilac/izvršiteljica na određeno vrijeme na period od dvije (2) godine uz uslov probnog rada od šest (6) mjeseci
2. **Rukovodilac Dječije omladinske i lutkarske scene** ..... jedan (1) izvršilac/izvršiteljica na određeno vrijeme na period od dvije (2) godine uz uslov probnog rada od šest (6) mjeseci
3. **Stručni saradnik za poslove prodaje i marketinga** ..... jedan (1) izvršilac/izvršiteljica na neodređeno vrijeme uz uslov probnog rada od šest (6) mjeseci i
4. **Pomoćni dekorater** ..... jedan (1) izvršilac/izvršiteljica na neodređeno vrijeme uz uslov probnog rada od šest (6) mjeseci.

### II

Opis poslova za radna mjesta iz člana I;

**Redni broj 1:** uvježbava tekst uloge, radi tokom proba, u saradnji sa rediteljem, na oblikovanju uloge u skladu sa općom koncepcijom predstave, angažuje se samostalno u oblikovanju uloge, sprovodi utvrđenu koncepciju uloge i djela tokom predstave, tumači sve dodijeljene uloge i alternacije, epizode, statira, pjeva i igra u granicama svojih mogućnosti, savladava na vrijeme tekst uloge, a potpuno ovladava tekstom deset dana do premijere, po potrebi igra i u predstavama DOL scene, učestvuje u fotografisanju, reklamiranju, snimanju, gostovanju na TV i radio emisijama.

Osnovna neto plaća iznosi: =952,00 KM.

**Redni broj 2:** organizuje rad DOL scene, zajedno sa dramaturgom sačinjava prijedlog repertoara, koordinira rad u oblikovanju predstava, daje prijedlog podjele uloga reditelju, vodi brigu da ne prekorači utvrđeni vremenski termin i finansijski plan, vodi brigu za obezbijedenje kadrova - amatera i omladine, učestvuje u organizovanju gostovanja predstava DOL scene, učestvuje u pripremanju propagandnog materijala, učestvuje u pravljenju rasporeda predstava i proba.

Osnovna neto plaća iznosi: =952,00 KM

**Redni broj 3:** organizira reklamu i propagandu prema rasporedu rada Pozorišta, vrši prodaju ulaznica i prijem individualnih i grupnih rezervacija za predstave Pozorišta i gostujuće programe, vrši ugovaranja za kolektivne posjete predstava iz grada i van njega, prikuplja, evidentira i odlaže dokumentaciju o predstavama, vodi evidenciju o broju održanih predstava, programa u Pozorištu i na gostovanjima, pomaže voditelju Službe u sakupljanju i izradi propagandnog materijala, vodi brigu o razvođačkoj službi i vrši plakatiranje predstava koje su na repertoaru Pozorišta, kao i gostujućih predstava.

Osnovna neto plaća iznosi: =588,42 KM.

**Redni broj 4:** vrši postavljanje svih vrsta dekoracija na pozornici, vrši postavljanje dekora za rasporedne probe, vrši sve dekorativne i druge poslove iz programa rada Pozorišta Zenica, održava tehnička pomagala, vrši španovanje materijala po kulisama, vrši sitne opravke dekora, vrši utovar i istovar dekora za pozorišne predstave na gostovanju, povremeno obavlja poslove pomjeranja i smještaja namještaja i drugih težih inventarskih predmeta u zgradi, kao i raznog prispjelog materijala za potrebe pozornice – krupna rekvizita, pruža pomoć gostujućim ansamblima i grupama.  
Osnovna neto plaća iznosi: =588,42 KM.

### III

Kandidati koji se prijavljuju na oglas potrebno je da ispunjavaju:

a) opće uslove:

- da je državljanin BiH i da ima prebivalište u BiH,
- da je stariji od 18 godina i
- da je zdravstveno sposoban za obavljanje poslova radnog mjesta na koji se prijavljuje.

Ljekarsko uvjerenje dostavlja kandidat koji bude izabran u roku od 15 (petnaest) dana od dana obavještenja o izboru u radni odnos.

b) posebne uslove:

#### Redni broj 1.

- a) najmanje VSS, VII stepen stručne spreme, odnosno visoko obrazovanje prvog ciklusa (240 ECTS bodova), Bolonjskog sistema studiranja - studijski program *gluma*
- b) i/ili priznati glumac sa najmanje deset (10) godina radnog iskustva na poslovima traženog radnog mjesta i
- c) učešće u umjetničkim projektima realiziranim u profesionalnim pozorišnim produkcijama.

#### Redni broj 2.

- a) najmanje VSS, VII stepen stručne spreme, odnosno visoko obrazovanje prvog ciklusa (240 ECTS bodova) Bolonjskog sistema studiranja - studijski program *dramska pedagogija i/ili gluma*
- b) i/ili pozorišni umjetnik sa 10 godina umjetničkog iskustva i ostvarenim rezultatima u radu.

#### Redni broj 3:

- a) najmanje VSS, VII stepen stručne spreme, odnosno visoko obrazovanje prvog ciklusa (240 ECTS bodova) Bolonjskog sistema studiranja - društveni ili humanistički smjer ili VŠ (V stepen), SSS (IV stepen) ekonomskog ili drugog društvenog usmjerenja sa najmanje pet (5) godina radnog iskustva na istim ili sličnim poslovima i
- b) poznavanje engleskog jezika.

#### Redni broj 4.

- a) KV i/ili niža stručna sprema i stručna osposobljenost (PKV) i/ili niža stručna sprema (NK).

### IV

Kandidati za radna mjesta iz člana I, uz svojeručno potpisanu prijavu na oglas, dužni su dostaviti i:

- a) detaljnu biografiju (za radna mjesta pod brojem 1. i 2. ista treba sadržavati poseban osvrt na radno umjetničko iskustvo u projektima pozorišne produkcije, odnosno dramske pedagogije),
- b) ovjerenu kopiju diplome ili svjedočanstva,
- c) dokaz o radnom iskustvu ili stažu (potvrda, uvjerenje o završenom pripravničkom stažu ili drugi važeći dokument), u skladu sa posebnim uslovima Javnog oglasa,  
Kandidati za radno mjesto pod rednim brojem 1. *tačka b*) koji umjesto univerzitetske diplome (VSS) imaju srednju stručnu sprema (SSS), dostavljaju dokaz o traženom radnom iskustva, rezultatima rada i preporuku direktora Pozorišta, što se odnosi i na kandidate pod rednim brojem 2. *tačka b*).,
- d) certifikat ili potvrda o poznavanju engleskog jezika, najmanje A2 nivo u odnosu na Zajednički europski referentni okvir za jezike (CEFRL), koju dostavljaju samo kandidati za radno mjesto pod rednim brojem 3.,
- e) izvod iz matične knjige rođenih,
- f) uvjerenje o državljanstvu i
- g) potvrdu o prebivalištu – CIPS.

### V

Kandidati za radno mjesto pod rednim brojem 1., pored navedenog iz člana IV, dužni su dostaviti i:

- a) popunjen poseban **Dodatak prijavi** sa podacima koji se odnose na dosadašnji glumački rad i realizirana glumačka ostvarenja kandidata, a prema uputama koje se mogu preuzeti na internetskoj stranici [www.bnp.ba](http://www.bnp.ba) ili u Sekretarijatu Pozorišta svakog radnog dana od 9 do 15 sati,
- b) tri (3) preporuke pozorišnih umjetnika i stručnjaka sa reputacijom u pozorišnoj djelatnosti i umjetničkoj produkciji,
- c) dokazi i potvrde o osvojenim nagradama i priznanjima za ostvarenja u pozorišnoj umjetnosti (ukoliko ih umjetnik ima),
- d) potvrde o učešću u programima dramske i umjetničke edukacije (ukoliko ih umjetnik ima) i
- e) potvrde o učešću u međunarodnim pozorišnim projektima (ukoliko ih umjetnik ima);

## VI

Kandidati za radno mjesto pod rednim brojem 2. dužni su uz odgovarajuću dokumentaciju iz člana IV, dostaviti i sljedeće:

- a) dvogodišnji Plan rada i razvoja Dječije, omladinske i lutkarske scene,
- b) potvrde o učešću u programima dramske i umjetničke edukacije (ukoliko ih umjetnik ima) i
- c) tri (3) preporuke dramsko-pedagoških stručnjaka.

## VII

Uz potpisanu prijavu na oglas, kandidati su dužni dostaviti dokumente o ispunjavanju općih i posebnih uslova, original ili ovjerene kopije koje nisu starije od šest (6) mjeseci (izuzev izvoda iz matične knjige rođenih), računajući do dana objave Javnog oglasa.

## VIII

Na osnovu Preporuke o transparentnosti i socijalnom aspektu zapošljavanja Gradonačelnika Zenice broj: 02-49-593/17, u slučaju da kandidati ostvare jednak broj bodova na osnovu prethodno definiranih uvjeta i dostavljene dokumentacije, prednost se može dati kandidatima socijalnog i posebnog statusa koji su: članovi domaćinstva bez prihoda, članovi porodice poginulog borca ili šehida, odnosno ratnog vojnog invalida.

U skladu sa prethodnim, prijavljeni kandidati mogu dostaviti i sljedeće:

- a) ovjerena kućna lista;
- b) uvjerenje nadležnog organa o pripadnosti porodici poginulog borca ili šehida, odnosno ratnog vojnog invalida (ovjerena kopija ili original).

## IX

Svi kandidati bit će blagovremeno obaviješteni pismenim putem i putem e-mail adrese (ukoliko je ista dostavljena u prijavi) o terminu održavanja pismenog stručnog ispita/audicije, odnosno intervjua.

## X

Preporuke kandidatima za radno mjesto pod rednim brojem 1. i 2. trebaju izraditi eminentni i priznati pozorišni umjetnici, odnosno dramski pedagozi iz zemlje ili inostranstva koji su u toku umjetničkog ili nastavnog procesa rada na pozorišnoj predstavi / umjetničkom projektu / edukativnom programu sarađivali sa kandidatom.

## XI

Prijavu sa svim pratećim dokumentima potrebno je poslati poštom na adresu:

**Javna ustanova Bosansko narodno pozorište Zenica**

(uz napomenu: „Prijava na Javni oglas za prijem u radni odnos - ne otvarati“ **sa naznakom radnog mjesta**)

**Trg Bosne i Hercegovine broj 3**

**72000 Zenica**

## XII

Konkursnu proceduru provodit će stručne komisije u skladu sa važećim zakonskim i podzakonskim propisima. Kandidati koji nisu izabrani na radno mjesto za koje je provedena procedura prijema, pismeno će biti obaviješteni najkasnije u roku od pet (5) dana od dana donošenja odluke o prijemu u radni odnos izabranog kandidata.

## XIII

Neblagovremene, nepotpune i prijave kandidata koji ne ispunjavaju opće i posebne uvjete oglasa neće se uzimati u razmatranje.

## XIV

Konkurs ostaje otvoren 15 (petnaest) dana od dana posljednje objave, a bit će objavljen i na Oglasnoj ploči i internetskoj stranici JU BNP Zenica ([www.bnp.ba](http://www.bnp.ba)), internetskoj stranici Grada Zenica ([www.zenica.ba](http://www.zenica.ba)), kao i na Oglasnoj ploči Službe za zapošljavanje ZDK - Biro rada Zenica.

Javna ustanova Bosansko narodno pozorište Zenica nije obavezna vraćati dokumentaciju dostavljenu uz prijavu. Kandidati koji nisu izabrani mogu preuzeti svoju dokumentaciju u prostorijama Javne ustanove, uz predodjenje lične karte i pismenog zahtjeva.